

ԵՐՆՁԱԿ ԲԵՐԴԸ

ԱՐԳԱՄ ԱՅՎԱԶՏԱՆ

Պատմական Հայաստանի նշանավոր բերդերից էր Սյունիքի իշխանների հզոր բերդ-դղյակ Երնջակը, որը գտնվում էր Նախիջևանի Երնջակ գավառում: Մինչև այժմ այդ բերդը պատմահնագիտական սպառիչ ուսումնասիրության չի ենթարկվել: Հայկական և օտար աղբյուրներում բազմիցս հիշատակվող Երնջակ բերդը XIX դ. կեսերից սկսած, որպես նշանավոր համալիր, խիստ համառոտ նկարագրությամբ տեղ է գտել ռուսերեն հրատարակված մի քանի տեղագրական-աշխարհագրական աշխատություններում¹: Այն մասնակի ուսումնասիրությամբ ներկայացրել են նաև Ա. Սեդրակյանը², Ղ. Ալիշանը³, Մ. Սմրատյանը⁴, ռուս հետազոտող Ի. Շչերիկինը⁵ և ուրիշներ:

Աղբյուրներում Երնջակ անվամբ են կոչել Նախիջևանի հնագույն գավառներից մեկը, որի տարածքն ընդգրկում էր այժմյան Նախիջևանի ԻՍՍՀ Զուլֆայի շրջանը, այդ գավառի վաղ միջնադարյան նշանավոր քաղաքը, բերդը և ամենամեծ դետը: Երնջակը որպես Սյունյաց աշխարհի առաջին գավառ հիշատակում են VII դ. «Աշխարհացոյցը»⁶ և հետագա դարերի պատմիչները:

Երնջակը իբրև իշխանական բերդ-դղյակ հիշատակված է X դ. պատմիչների Հ. Դրասխանակերտցու⁷, Ասողիկի⁸ և այլոց աշխատություններում, իսկ Ստ. Օրբելյանի մոտ Երնջակի և առհասարակ Սյունյաց գավառների ու հուշարձանների վերաբերյալ կան հստակ շարադրված և հավաստի տեղեկություններ⁹: Անդրադառնալով «Երնջակ» բառի ստուգաբանությանը, Հ. Աճառյանը գրել է. «Երնջակ կամ Երնջակ (գրված նաև երնջալ, երնջան,

¹ «Обозрение российских владений Закавказьем», СПб., 1836, часть IV, էջ 338, И. Озаровский, Опыт военного обозрения Закавказья, СПб., 1883, էջ 85:

² Ա. Սեդրակյան, Հնությունը հայրենյաց ի գավառին Երնջակու, Վաղարշապատ, 1872, էջ 89—100:

³ Ղ. Ալիշան, Սխական, Վենետիկ, 1894, էջ 363—366:

⁴ Մ. Սմրատյան, Նկարագիր սուրբ Կարապետի վանից Երնջակա և շրջակայից նորա, Տփլիս, 1904, էջ 518—529:

⁵ И. Щерблякин, Памятники Азербайджанского зодчества эпохи Низами (материалы). Баку, 1943, էջ 69—71, «Архитектура Азербайджана эпохи Низами», М.—Б., 1947, էջ 36—38:

⁶ Ս. Ն. Երեմյան, Հայաստանը ըստ «Աշխարհացոյցի», Երևան, 1963, էջ 51:

⁷ «Յոսվհաննու կաթողիկոսի Դրասխանակերտեցու Պատմութիւն Հայոց», Թիֆլիս, 1912, էջ 241, 307:

⁸ «Սահիանոսի Տարոնեցու Ասողկան Պատմութիւն տիեզերական», Ս. Պետերբուրգ, 1895, էջ 165:

⁹ «Պատմութիւն նահանգին Սխական արարեալ Ստեփաննոսի Օրբելեան արքեպիսկոպոսի Սիւնեաց», Թիֆլիս, 1910, էջ 13, 185, 190, 195 և այլն:

երկնեակ, երկնեակ, երկնեակ) «մի տեսակ ուտելի փուշ. *eryngium campestre* L, ...»¹⁰ Երկնեակ բառից է»¹⁰։

«Երնջակ» բառը փորձել են ստուգաբանել նաև մի քանի աղբյուրների հետազոտողներ, որոնք, սակայն, հանգել են թյուր եզրահանգումների։ Դա պայմանավորված է նրանով, որ նրանք անտեսել են Երնջակ բերդի մասին հայկական աղբյուրների հաղորդած հավաստի տեղեկությունները, ինչպես նաև «Երնջակ» բառի ուղիղ ու նախնական ձևը։ Այսպես, օրինակ, Ռ. Մամմադովը Երնջակ բերդի մասին հրատարակած հոդվածում¹¹, անտեսելով սկզբնաղբյուրները և Երնջակ տեղանվան ուղիղ ու նախնական ձևը, թվաբանում է այդ անվան աղբյուրի ուշ շրջանում (XIV—XVII դդ.) ասպարեզ եկած օտար անվանումները (Ալինջա, Ալանջուգ, Ալինջախանա և այլն), որոնք արդյունք են նախնական տարածքում օտար էթնիկական տարրի բնակություն հաստատելու։ Նա ի վերջո եզրակացնում է, թե բերդի անունը Ալանջիկ է, և որ այդ անունը հին թուրքական «ալան» խոսքից է վերցված, որ նշանակում է «հարթություն», «հրապարակ»։ Ռ. Մամմադովը բառի երկրորդ մասնիկը՝ «ջիկ»-ը, ստուգաբանում է հետևյալ կերպ. «ջիկ»-ը թուրքական լեզուներին հատուկ փոքրացնելու նկարագրությունն է»։ Այսպիսով, ստացվում է, որ բերդանունը ոչ թե Երնջակ է, այլ Ալանջիկ, որը նշանակում է փոքր հարթություն, հրապարակ։ Այն, որ այս ստուգաբանությունը գիտական չէ, երեւում է անգամ բերդի տեղագրությունից։ Բանն այն է, որ բերդը տեղագրված է ոչ թե հարթ վայրում կամ հրապարակում, այլ մի վիթխարի լեռնագագաթի վրա (նկ. 1)։

Երնջակին անդրադարձած մի այլ հոդվածագիր՝ Ա. Սուլթանովը¹², հերքելով Ռ. Մամմադովի ստուգաբանությունը, պնդում է, որ «Ալինջա բերդի իսկական անունը «Ալընջա» է»։ Նա ևս ծայրահեղությունների մեջ ընկնելով՝ գրում է, որ բերդի անունը «իսկապես, թուրքական խոսքից է վերցված։ Բերդի շրջակայքում եղած մի շարք գյուղերի անունները այսպես են ապացուցում, — շարունակում է նա, — որ գյուղերի անունները տեղական թուրք տոհմերի կողմից են դրված»։ Ուրեմն, ըստ Ա. Սուլթանովի, պատմական Երնջակ գավառի Ապարանք, Ապարաններ (այժմ Բանանիյար), Ապրակունիք, Աբրակունիս (այժմ՝ Արրակունիս), Նորաշեն, Ամասրոյ վանք (այժմ՝ Արաֆսա), Բերդիկ, Շահկերտ (այժմ՝ Ղազանչի), Անկուզիք (Անզուր), Փորագաշտ, Գաղ. Շոռոթ, Թեղեակ (այժմ Թեյվազ) և այլ գյուղերի անունները, որոնք գրավոր աղբյուրներում հիշատակվում են X—XIII դդ., ծագումով թուրքական են։ Սա պատմական ճշմարտությունը անտեսելու ակնհայտ մի փորձ է։

Ռ. Մամմադովը և Վ. Ալիևը համատեղ գրած մի այլ հոդվածում¹³, վկայակոչելով XVII դ. թուրք պատմիչ է. Չելեբիի այն հիշատակությունը¹⁴, թե

¹⁰ 2. Ա ճ ա ո յ ա ն, Հայերեն արձատական բառարան. հ. Բ, Երևան, 1973, էջ 68։

¹¹ «Совет кэнди», 23. X. 1971.

¹² «Wərg gapısy», 30. IX. 1971.

¹³ «Wərg gapısy», 11. I. 1972.

¹⁴ «Թուրքական աղբյուրներ», Գ. էվլիյա Չելեբի, Թարգմանություն բնագրից, առաջարկ և ծանոթագրություններ Ա. Խ. Սաֆրասոյանի, Երևան, 1967, էջ 73։ է. Չելեբին Երնջակ անվանել է «էլնջար վան բերդ»։ Իսկ XVII դ. մեկ այլ պատմիչ՝ Քյաթիր Չելեբին, Երնջակ անվանել է «էլիջեկ» («Джихан-Нюма» и «Фезлик» Кятиба Челеби как источник по истории Армении, Предисловие, перевод и комментарии А. А. П а п а з я н а, Ереван, 1973, էջ 103)։

Երնջակ բերդը Մոսկա Կուսթազիկի կողմից է կառուցվել, եղրակացնում են, ոտ է. Չեյսբրին նկատի ունի «Քիթաբի Դեղե-Կորկուտ» էպոսի¹⁵ մեջ հիշատակվող սելջուկ սուլթան Կուսթազիկ Մալիքշահին (XII դ. վերջ), Բայց չէ՞ որ սա ուշ միջնադարի հեղինակի հիշատակություն է, այն էլ XI—XII դդ. ստեղծված վիսյական ընդթի երկի՝ էպոսի, մասին:

Պատմական իրողությունն այն է, որ Երնջակ բերդի անունն ի սկզբանե էլ Երնջակ (էրինջակ) է եղել և այն կառուցվել է դեռևս մեր թվարկությունից առաջ և մինչև V դ. վերակառուցվել է սյունյաց իշխանների ջանքերով՝ ի X—X դդ. դառնալով հայ ժողովրդի ազգային-ազատագրական պայքարի չենտրոններից մեկը: Հստ Ստ. Օրբելյանի տեղեկությունների, «Իսկ մի ոմն ի կանանց նոյն նահապետացն (Սյունիքի—Ա. Ա.) Երնջիկ անուն, շինէ և զանհնարին ամուրն Երնջակ. և յիւր անուն բերդն և գաւառն կոչի Երնջակայ. և ղնեն ի նմա տուն դանձու և հարկաց աշխարհին»¹⁶, Ինչպես երևում է այս վկայությունից, Երնջակ բերդը ստացել է իր կառուցողի անունը և սկզբից ի վեր եղել է զանհնարին ամուրն», որտեղ պահվում էին Սյունիքի գանձերն ու հարստությունները: Երնջակը որպես բերդ գրավոր աղբյուրներում առաջին անգամ հիշատակվում է 909 թ. արաբ Յուսուփ էմիրի կողմից պաշարվելու կապակցությամբ (Հ. Դրասխանակերտցի, Ասողիկ, Ստ. Օրբելյան և ուրիշներ): 908 թ. Սյունիքի տանուտեր Աշոտ իշխանի մահից հետո, նրա կին Շուշանը, որդիներ Սմբատը, Սահակը, Բաբգենը և Վասակը պատրաստվում են պայքարելու հարձակման նախապատրաստվող Յուսուփի բանակի դեմ, որը Ստ. Օրբելյանի խոսքերով ասած «կամէր կլանել զամենայն Հայաստաննայս: Եւ հասնալ ի նախջաւան քաղաք յաւուրս սուրբ պասեքին, և ասպատակ սփռեալ կամեցաւ շնջել զգաւառն Սիւնեաց և գրռամբ ածել զիշխանսն»¹⁷, էմիրի զորաբանակի առաջին հարձակումը ետ մղելուց հետո «զմայրն իւր (Սմբատի—Ա. Ա.) զՇուշան և զկին իւր Սոփի, որ էր դուստր Դերենկին՝ քոյր Գաղկայ թագաւորելոյն ի Վասպուրական, փոքրիկ ստեղծեալ տղայով միով, և զկինն Սահակայ՝ եղբօր իւրոյ, որ էր (դուստր) բղնշխին Գուգարաց, տաքեալ ամրացուցանեն յանառիկ ամուրն Երնջակայ...»¹⁸, Այնուհետև ցանկանալով Յուսուփի ուշադրությունը շեղել Երնջակից, Սմբատը «գնայ առ աներն»¹⁹ իւր Գագիկ ի Վասպուրական. և Սահակ՝ առ իւր աներն ի Գուգարս. բայց Բաբգէն և Վասակ մնացին անդէն. և Գրիգոր Սուփան և եղբարք իւր մնան յիւրեանց տեղիս ամրացեալք ի կատարս լերանց և ի ծործորս ծերպից վիմաց...»²⁰, Երկար ժամանակ բերդի պաշտպանները դիմադրում են էմիրի ստվարաթիվ բանակին: Մեծաթիվ զոհեր տված Յուսուփը 909 թ. սրի է քա-

¹⁵ Հստ այդ էպոսի Երնջակ բերդը պատկանում էր Գարա Բեկֆուր անունով մի մարդու: Էպոսի ստեղծման աշխարհագրական միջավայրը Անդրկովկասն էր, որտեղ XI դ. հետո այն ձևավորվեց և որտեղ կիսաքոչվորական ու քոչվորական կյանք էին վարում նրա հերոսները՝ սելջուկ ֆեոդալները (В. Бартольд, Турецкий эпос и Кавказ, «Язык и литература», т. V, Ленинград, 1930, էջ 11—12):

¹⁶ Ստ. Օրբելյան, էջ 13: Մ. Սմբատյանցը Երնջիկին նույնացնում է Տիգրան Մեծի բրոջ՝ Տիգրանուհու հետ (Մ. Սմբատյանց, նշվ. աշխ., էջ 512—513):

¹⁷ Ստ. Օրբելյան, էջ 185:

¹⁸ Նույն տեղում:

¹⁹ Բնագրում, կարծում ենք, պետք է լինի «աներձագն», քանի որ Սոփին Գագիկ Արծրունու հոր՝ Դերենկին, դուստրն էր և ոչ թե Գագիկի:

²⁰ Ստ. Օրբելյան, էջ 185—186, հմմտ. Հ. Դրասխանակերտցի, էջ 237:

շում կամ գերեվարում Երնջակի և շրջակա գավառների բնակչությանն ու գնում Դվին²¹։ Գեղարքունիքի գահակալ իշխան Գրիգոր Սուփան իշխանն ու Սմբատի եղբայր Վասակը, ըստ երևույթին ընկճվելով և տեսնելով անմեղ ժողովրդի կոտորածը, իջնում են բերդից և գնում են Դվին ու հանձնվում Յուսուփին, որը նրանց բանտարկում է։ Սակայն հետո Վասակին հաջողվում է փախչել և նորից ամրանալ բերդում։

Հայոց աշխարհում մի շարք ավերածություններ կատարելուց հետո Յուսուփը, որին հաջողվել էր գերել Հայոց Սմբատ Բագրատունի թագավորին, ագայ ի մարտ ընդ անառիկ ամրոցին Երնջակու... Եւ մարտ սաստիկ յօրինէ ընդդէմ բերդին բազում աւուրս. և օր աւուր զանազան հնարիւք խստացոցանէր զմարտն, և ոչ ինչ օգտէր։ Յորմէ զշարեալ տայր բերել զթագաւորն հանդէպ բերդին. և զանազան կտտանօք շարշարէր, և հրամայէր. «ասա՛, զի տայցեն ի դուրս զբերդն»։ Եւ նորա իմացեալ զանգերծանելի ղշարն՝ ոչ ինչ խօսէր»²²։ Զայրացած Յուսուփը հրամայում է Սմբատին գլխատել և մարմինը կախել Դվինի պարսպից։ «Եւ եղև այս ի թուականին Հայոց 362 (913)», — գրում է Ստ. Օրբելյանը²³։ Երնջակի դիմադրությունը շարունակվում է նաև Սմբատի գլխատումից հետո։ Բայց ի վերջո Յուսուփը «գողութեամբ էառ զբերդն անձաւամուտ և քարազնաց արամբք, որք երկաթի ճանկօք ընդ ժայռս դժուար վախից արուեստակեալ ընթանան։ Բայց թէպէտ և էառ, ոչ ի մարդկանց հնարից. այլ Տէր եղծանելով եղծանել կամէր, և մատնեաց։ Ապա բացեալ զդուրս բերդին...»²⁴։

Երնջակի անկումից հետո Յուսուփը գերում է այնտեղ ապաստանածներին, տիրանում բերդում պահվող գանձերին ու հարստություններին²⁵, իսկ բերդը և համանուն գավառը հանձնում Գողթն գավառի ամիրային²⁶։ Որոշ ժամանակ անց, մոտավորապես X դ. 20-ական թվականներին, Սմբատ իշխանը և նրա եղբայրները փորձում են բերդը և գավառը ետ գրավել, սակայն չեն կարողանում։ Այդ պայքարում զոհվում է Սմբատ իշխանի կրտսեր եղբայրը՝ Վասակը²⁷։

Հայ ժողովրդի պետականության անկումից հետո, երբ Հայկական լեռնաշխարհը դարձավ օտար նվաճողների ասպատակությունների ասպարեզ, Երնջակ բերդը, որը կարևոր ռազմաստրատեգիական կետ էր Արաքսի ափին, կովախնձոր դարձավ մեկը մյուսին հաջորդող նվաճողների միջև, որոնք և մի քանի անգամ վերանորոգել են բերդը։ XII դ. 30-ական թվականներից նախիջևանի գավառների հետ միասին Երնջակ բերդն անցավ Նլտկուզյան աթաբեկության տիրապետության տակ։ Նլտկուզյանները հետագայում Երնջակ բերդն ու գավառը, ինչպես նաև զգձահունկ և զՔալասրահն և ի նախջաւան յաւագ փողոցին 30 կուղպակ» որպես հայրենական կալվածք «մեծ սիգելով

21 Նույն տեղում, էջ 166։

22 Նույն տեղում, էջ 190—191։

23 Նույն տեղում, էջ 191, հմմտ. Հ. Դրասխանակերտցի, էջ 237—240

24 Ստ. Օրբելյան, էջ 191։

25 Հ. Դրասխանակերտցի, էջ 241, Ասողիկ, էջ 165, Ստ. Օրբելյան, էջ 191։

26 Հ. Դրասխանակերտցի, էջ 307—308, Ստ. Օրբելյան, էջ 195։

27 Հ. Դրասխանակերտցի, էջ 308, Ստ. Օրբելյան, էջ 196։

և անանցական գրող²⁸ նվիրում են սյունյաց օրբելյաններից Ելիկումին: Այդ նվիրատվությունը հաստատում են նաև մոնղոլները²⁹, հստ ձեռագիր հիշատակարանների տեղեկությունների³⁰, Երնջակ բերդը մինչև XIV դ. 70-ական թվականները պատկանել է սյունյաց իշխաններին, ապա անցել է Զելալի-յաններին:

Երնջակ բերդի պատմական անցյալում հատկապես առանձնանում է Լենկ-Իսմուրի (XIV դ.) և նրա հետնորդների զորաբանականների դեմ մղած հերոսական պայքարը: Ի. Մեծոփեցին գրում է, որ Լենկ-Իսմուրը «836 (1387) թուականին... եկն յերկիրն Սինեաց ի վերայ դղեկն Երնջակու...»³¹: Զկարողանալով գրավել այն, Լենկ-Իսմուրը Միհրանշահի գլխավորությամբ թողնում է հատուկ զորաբանակ, որը 13 տարի (ս.Պ.Լ. ամեն մինչև ի Պիճ ամ թուականին) պաշարման մեջ է պահում Երնջակը³², ուր պահվում էին Զելալի-յանների զանձերը: Բերդի պաշտպանությունը ղեկավարում էր Սուլթան Ահմեդի որդի Թահիրը, որին օգնության է հասնում վրաց Գեորգի VII թագավորի զորաբանակը: Պաշարման ժամանակ բերդում էր գտնվում նաև ժամանակի նշանավոր մտածող, քերականագետ Մատթեոս Ջուղայեցին³³: Հերոսական և տեղական դիմադրությունից հետո ի վերջո Երնջակը գրավվում է: Հետագայում, երբ Լենկ-Իսմուրը հերթական արշավանքից վերադառնում էր Թավրիզ, «եկավ տեսնելու այն բերդը, որը առաջներում գրավել էին, [այն է՝] Ալինջան: Եվ անհամար զորքով և զույնզգույն վրաններով շարժվեց, եկավ ու դիտեց Ալինջա բերդը»³⁴, Լենկ-Իսմուրը բարձրանում է բերդ և մանրամասն ուսումնասիրում նրա պաշտպանական կառուցվածքը:

Երնջակը XV դ. 20-ական թվականներից հետո գրավում է Հայաստան ներխուժած կարա-կոյունլուներից Գարա Յուսուֆի որդի Իսկանդարը, որի դեմ 1435 թ. պատերազմի է դուրս գալիս Լենկ-Իսմուրի որդին՝ Շահուհը³⁵: Հետագայում՝ 1480 թ., Երնջակին տիրել է Սելյուկ Ալին, իսկ XVI դ.՝ Շահ Իսմայիլը: Շահ Աբասի օրոք (XVII դ.) այն գրավել էր Ամիրգունա խանը: 1826—1827 թթ. ռուս-պարսկական պատերազմի տարիներին բերդը գտնվում էր պարսիկների ձեռքում, որոնց պարտությունից հետո՝ 1827 թ. հոկտեմբերից, Երնջակը որոշ ժամանակ մայոր Կուլյանսկու վաշտի համար վեր էր անցել զորատեղիի³⁶:

²⁸ Ստ. Օրբելյան, էջ 393—395:

²⁹ Ղ. Ալիշան, նշվ. աշխ., էջ 479, Գ. Հովսեփյան, հաղթականը կամ Պոռ-յանը հայոց պատմության մեջ, մասն 2-րդ, Երուսաղեմ, 1944, էջ 58, Մ. Աբելյան, Հայոց հին գրականության պատմություն, գիրք երկրորդ, Երևան, 1946, էջ 209:

³⁰ Ղ. Ալիշան, նշվ. աշխ., էջ 364:

³¹ «Պատմություն Լենկ-Իսմուրայ և յաշորդաց իւրոց արարեալ Թովմա վարդապետի Մեծոփեցույ», Փարիզ, 1860, էջ 17:


³² Լ. Խաչիկյան, Մատթեոս Ջուղայեցու կյանքն ու մատենագրությունը (Բանբեր Մատենադարանի), № 3, 1956, էջ 61:

³³ Նույն տեղում:

³⁴ Լ. Մելիքսեթ-Բեկ, Վրաց աղբյուրները Հայաստանի և հայերի մասին, հ. Դ, Երևան, 1955, էջ 15:

³⁵ Երնջակ բերդի հետ կապված այս և հետագա այլ դեպքերի մասին տե՛ս Ղ. Ալիշան, նշվ. աշխ., էջ 364—366:

³⁶ И. Озаровскнн, նշվ. աշխ., էջ 86:




Նկ. 1. Երնջակ լեռան ընդհանուր տեսքը:

Երնջակ բերդը կառուցվել է ծովի մակարդակից մոտ 1600 մ բարձրությամբ ունեցող լեռան վրա (Նկ. 1): Շրջակա դաշտավայրերից այդ լեռան բարձրությունը կազմում է ավելի քան 500 մ: Լեռն իր վերնամասում բաժանված է երկու սրագագաթ՝ ձյուղերի: Բերդի կառուցողները հմտորեն են օգտագործել տեղանքի անառիկությունը: Բանն այն է, որ Երնջակ լեռան ուղղաձիգ ժայռերն ինքնին բնական, անմատչելի և անհաղթահարելի արգելքներ են թշնամիների համար: 1405 թ. հունիսին Խսպանիայի դեսպան Յլավիխոն, անցնելով Երնջակ գավառով, գրել է. «մեզ ցույց տվին մի ամրոց, որ գտնվում էր մեր ձախ կողմը՝ բլուրի կատարում, [բավական հեռու Արազ գետի հյուսիսային եզերքում], որ կոչվում է Ալանջիկ: Այս ամրոցը շրջապատված է պարսպով՝ աշտարակներով, և ներքին շրջանակում տարածվում են շատ այգիներ ու պարտեզներ, և կից ցորենի արտեր, նույնպես այնտեղ կան բազմաթիվ աղբյուրներ՝ արոտավայրերով՝ կենդանիների համար, ամրոցի շուրջը և վերևի բարձունքներում»³⁷:

Երնջակ լեռան հյուսիս-արևմտյան գագաթնամասի բավականին հարթ և հարմարավետ, չորս կողմից բնականֆց հիանալիորեն պաշտպանված բարձունքում կառուցվել է իշխանական պալատ, որը աչքի է ընկել և՛ իր բնական անառիկ ու իշխող դիրքով, և՛ որպես ճարտարապետական համալիր: Իշխանական պալատը բաղկացած է եղել կամարակապ ու սյունազարդ տաճարից, սպասարահից, դահլիճից, նեղ միջանցքներից, պալատական, ժառանգական մի շարք սենյակներից, ռազմական, տնտեսական բնույթի պահեստներից և բնակելի սենյակներից: Վերջիններս կապված են իշխանական պալատի հետ և ունեն 0,65—1,1 մ լայնությամբ մուտքեր, 2,4—5 մ լայնություն և 3,5—7 մ

³⁷ Հ. Հակոբյան, Ուղեգրություններ, հ. Ա, ԺԳ—ԺԶ դար (1253—1582), Երևան, 1932, էջ 116:

երկարություն: Շինություններն իրար միանալով նեղ միջանցքներով՝ իրենց ճակատային մասի մուտքերով կապվել են պալատական շենքի հրապարակի հետ: Առանձին շինությունների ավերակներն ապացուցում են, որ դրանք եղել են երկհարկանի: XIX դ. սկզբներին, երբ պալատական համալիրի շինությունների մեծ մասը դեռ կանգուն է եղել, Երևանի բերդը այցելած Վ. Գրիգորյանը նկատել է, որ նրա պալատի և բերդի մյուս շինություններում կարող էր բնակվել շուրջ երկու հազար մարդ³⁸: Այժմ իշխանական պալատի և նրա համալիրի շինությունների մեծ մասն ավերակ են կամ քայքայված են մինչև հիմքերը (նկ. 2), Որոշ սենյակների պատերը դեռևս կանգուն են՝ մինչև 1,6 մ




Նկ. 2. Երևանի բերդի իշխանական պալատի ավերակները:

բարձրությամբ: Մեր կատարած ուսումնասիրությունները թույլ են տալիս կազմելու Երևանի բերդի իշխանական պալատի համալիրի շինությունների մի մասի հատակագիծը (նկ. 3): Համալիրի շինությունների մեծ մասը սկզբում կառուցված է եղել կապտեռանգ սրբատաշ և կիսամշակ քարերով ու կրաշաղախով, որի շարվածքները (հիմքում 2—3 շտրք բարձրությամբ) այժմ էլ տեսանելի են: Հետագայում դրանք տեղ-տեղ վերանորոգվել են նաև թրծած աղյուսով: Հին դարում, պարզորոշ նկատվում են վերջին 6—7 դարերում կատարված մի քանի նորոգումների հետքեր, որոնց ժամանակ օգտագործված աղյուսներն ունեն տարբեր չափեր: Իշխանական պալատ բարձրացել են միայն նրա հարավ-արևելյան կողմի անկյունային հատվածից: Այստեղ գտնվող ուղղաձիգ և լերկ ժայռն ունի որոշ թեքադիր հատված, որը շինարարները օգտագործել են բացառիկ հմտությամբ և ժայռի վրա փորել դեպի վերև տանող 30 սմ լայնությամբ ու 10—15 սմ խորությամբ ուղի: Խիստ դժվարանցանելի այդ նեղլիկ ուղիով բարձրացողներին ցած ընկնելուց ապահովագրելու համար 0,5—2 մ ներքև, 2—3 շտրքով, տարբեր տեղերում փորվել են 25×40 սմ չափի փոսեր: Իշխանական պալատի համալիրից 300—400 մ դեպի հյուսիս և արևելք՝ լեռան գագաթնամասերում, կան նաև

³⁸ «Обозрение российских владений Закавказом», СПб., 1836, часть IV, էջ 335.

մի շարք շինություններ, պահակատեղերի ու քողարկված դիտարանների ավերակներ:

Բազմաբնույթ շինություններով ու ամրություններով հարուստ են հատկապես լեռան հարավ-արևելյան գագաթը և նրա լանջերը: Այստեղ ևս կան մի շարք ամրությունների ու աշտարակների, դիտարանների, զորանոցների, բնակելի և այլ բազմազան սենյակների ավերակներ, ջրամբարներ և այլն: Բերդի կառուցման ժամանակ առանձին տեղերում օգտագործվել է նաև ան-




Նկ. 3. Երնջակ բերդի իշխանական ապարանքի համալիրի մի մասի հատակագիծը:

տաշ, անշաղախ շարվածք: Այս շարվածքների շինարարական տեխնիկայի (հիմնաշարի բացակայություն, հարթ ծածկեր և այլն) ուսումնասիրությունը մատնանշում է ուրարտական շինարվեստը: Բերդի ավերակների վերգետնյա մասերում կան IX—XVII դդ. թվագրվող խեցեղենի բեկորներ, ինչպես նաև մետաղյա, փայտյա և քարե իրերի մնացորդներ:

Երնջակ բերդի վաղ շրջանի կյանքի ու շինարվեստի մասին պատկերացում են տալիս հատկապես նրա պարսպաշարերի շինարարական տեխնիկան և ճարտարապետական առանձին սկզբունքները: Բերդը բնական ամրություններից բացի շրջապատված է նաև արհեստական ամրակուռ պարիսպներով, որոնց անհրաժեշտությունը ծագել է լեռան գագաթնամասը երկու մասի ձյուղավորված լինելու հանգամանքով: Հետևաբար, այստեղ բարձրանալ կարելի է միայն լեռան հարավ-արևելյան և հյուսիս-արևմտյան կողմերում առաջացած անդնդախոր նեղ կիրճերից, որոնց մուտքերը փակելու համար կառուցվել են մի շարք պարսպաշարեր և բերդն ամբողջովին դարձրել դժվարամուտ: Բերդի պարիսպները սկսվում են անմիջապես ժայռաշղթաները գոտկող կիրճերի պոռնկներից: Պարիսպները հիմնականում շարված են անմշակ և կիսամշակ քարերով, կրաշաղախով: Հետագայում, առանձին հատվածների վերևի մասերում օգտագործվել է նաև աղյուս: Պարիսպները, որոնց լայնությունը 1,3—2,5 մ է, ժամանակին ունեցել են մինչև 9—12 մ բարձրություն: Տեղ-տեղ նկատվում են նաև պարիսպներին կից կառուցված քարե աստիճանների հետքերը, փայտե հեծանների համար թողնված տեղերը: Այժմ բերդի պարսպաշարերի մեծ մասը քայքայվել և ավերակների է վերածվել: Դրանց բարձրու-

թյունը այժմ որոշ տեղերում հասնում է 4—4,5 մ, իսկ առանձին շարքերի երկարությունը՝ 50—60 մ: Երնջակը շրջապատված է մի քանի պարսպաշարքերով: Հարավ-արևելյան կիրճի կողմից բերդը պաշտպանվել է առաջնապարսպով, միջնապարսպով և ներքնապարսպով: Այստեղ տեղանքի թեւադրանքով առաջնապարսպն ու միջնապարսպը ինչպես ներքնապարսպից, այնպես էլ իրարից ունեն մոտ 100—110 մ հեռավորություն: Այժմ միջնապարսպն ու առաջնապարսպը մեծ մասամբ ավերված են, իսկ ներքնապարսպը, ուր տեղադրված է բերդի մուտքերից մեկը, երկարությամբ հիմնականում պահպանվում է: Դեպի բերդ բարձրացող այս կիրճը հյուսիսային և հարավային կողմերի լեռնափեշերից մինչև բուն լեռան անմատչելի ծերպերը ևս պաշտպանվել է հզոր պարսպաշարքերով, որոնց ավերակներում նկատելի են նաև մի շարք քառակյունի աշտարակների հետքեր:




Նկ. 4. Երնջակ բերդի մուտքերի հատկագծերը:

Երնջակ բերդի հարավ-արևելյան կիրճի ներքնապարսպում գտնվող մուտքը (նկ. 4, գծ. 1) ունի 2,7 մ լայնություն, որի պարսպին ներքուստ կից՝ երկու կողմերում, կառուցված են 5 սենյակներ: Մուտքի հյուսիսային կողմի երկու սենյակները ունեն 4 մ լայնություն և 3,5 մ երկարություն և մեկական մուտքեր՝ արևմտյան կողմից: Մուտքի հարավային կողմում կառուցված 3 սենյակներն ունեն 4 մ լայնություն և տարբեր երկարություն: Մուտքի կողմից առաջին սենյակն ունի 2,85 մ երկարություն և մեկ մուտք, որը բացվում է անմիջապես պարսպի մուտքի վրա և ծառայել է որպես պահակատուն: Երկրորդ և երրորդ սենյակների մուտքերը բացված են արևմուտքից. զրանցից առաջինն ունի 8 մ երկարություն, իսկ երկրորդը՝ 16 մ: Այդ սենյակները, բնակատեղի լինելուց բացի, ունեն պաշտպանական բնույթ և ծառայել են որպես պահակատներ ու զորատեղեր: Երնջակի այս մուտքի պահակասենյակների առկայությունն ու կառուցվածքը հիշեցնում է Նախիջևանի մյուս նշանավոր բերդի՝ Ճահուկի, հյուսիս-արևմտյան պարսպաշարքի անկյուններում տեղադրված մուտքերի պահակասենյակները³⁹:

Երնջակ բերդը հյուսիս-արևմտյան կողմից, ուր գտնվում է իշխանական պալատի համալիրը, պաշտպանվում է 8 շարք պարսպներով: Այստեղ առաջ-

³⁹ Ա. Այվազյան, Արրա և Ճահուկ բերդերը (ՀՍՍՀ ԳԱ «Լրաբեր», № 9, 1976, էջ 88, աղ. 1, գծ. 3, 4):


նապարհապատներն ունեցել են ավելի ցածր բարձրություններ, քան միջնապարհապատներն ու ներքնապարհապատները: Պարսպաշարքերը կառուցված են իրարից 5—6 մ հեռու և ունեցել են բուրգերի ու աշտարակների, պահակատների ու զորանոցների մի ամբողջ շարան (նկ. 5): Հյուսիս-արևմտյան պարսպաշարքերի առանձին շարքերի ու հատվածների շինարարական տեխնիկան մի շարք զուգահեռներ ունի ուրարտական շինարվեստի հետ: Այստեղ տեղեկություններ կերտված շարվածքներում կան լավ տաշված ու երեսապատված քարեր:



Նկ. 5. Մի հատված Նրնջակ բերդի համալիրի ավերակներից:

որոնք ունեն նաև վարպետների նշաններ: Բերդի կողմից երրորդ և չորրորդ պարսպաշարքերի անվնաս հատվածներում կան անհիմք շարվածքներ, որոնցում օգտագործված են նաև անմշակ, ինչպես նաև երեսն ու եզրերը մշակված քարաշարքեր: Պարսպաշարքերի հիմնաշարքերում հանդիպում են նաև առանց շաղախի ու երեսապատման շարքեր, որոնց քարերն ունեն 1,5 մ միջին երկարություն և 0,8—1 մ միջին բարձրություն: Առանձին պարսպաշարքերի համար, վտանգավոր և խոցելի հատվածներում, 0,6—1,2 մ բարձրությամբ կառուցված են նաև պատնեշ-պատեր: Առանձին հետաքրքրություն են ներկայացնում այս պարսպաշարքերում թողնված բերդի մուտքերը: Ի միջի այլոց, առաջնապարսպից մինչև բուն բերդի շինություններին հասնելը մուտք-ճանապարհը անցել է նաև հաջորդ 7 պարսպաշարքերով: Յավոք, ութերորդ և երկրորդ պարսպաշարքերի մուտքերից բացի մյուսներն այժմ ավերված են և առանց պեղումների նրանց տեղերը և կազմությունը ստույգ հնարավոր չէ վերականգնել: Սակայն պարզ է, որ ճանապարհը պարսպաշարքերով անցել է ոչ թե ուղիղ գծով, այլ զիգզագաձև, որը մատնանշում է պարսպաշարքերում մուտքի տարբեր տեղերում լինելը: Այդ հանգամանքը սահմանափակել է թշնամու գործունեության դաշտը, նրա ուժերի կենտրոնա-

ցումը և բերդապաշտպաններին հնարավորություն է տվել ավելի արագ կողմնորոշվել, ինչպես նաև 3—4 կողմից թշնամուն խաչաձև հարվածի տակ առնել: Երևանի բերդի ութերորդ պարսպաշարքի զլխավոր մուտքը (նկ. 6) տեղադրված է երկու աշտարակների միջև, որի հատակագծման հիմքում ընկած է անցախուցով բաժանված կրկնակի դարպասներով մուտքերի սկզբունքը (նկ. 4, գծ. 2): Այստեղ մուտքի դարպասները միմյանց նկատմամբ տեղադրված են 90°-ի տակ և սահմանափակելով հարձակվողների գործողությունները, բերդապաշտպաններին տվել են լայն ճակատով եռակողմ գրոհներ կազմակերպելու հնարավորություն: Հատակագծային կառուցվածքով Երևանի այս մուտքը հիշեցնում է ուրարտական Էրեբունի և Արգիշտիխինիլի բերդերի մուտքերի⁴⁰ ճարտարապետության սկզբունքները:



Նկ. 6 Երևանի բերդի հյուսիս-արևմտյան մուտքը:

Առանձնակի ուշադրության են արժանի նաև բերդի 9 ջրամբարները, որոնց կառուցման հնարամիտ սխեմանը հնարավորություն է տվել բերդի պաշտպաններին երկար ժամանակով ապահովելու ջրով: Ջրամբարները փորվել են ժայռերի հյուսիսային կողմերում և ստվերոտ վայրերում, որի շնորհիվ կրճատվել է ջրի կորուստը: Ջրամբարներից վերև գտնվող ժայռերի լանջերին փորվել են բազմաթիվ առվակներ, որոնցում հավաքված անձրևաջրերն ու ձնհալի ջրերն անկորուստ ի մի հավաքվելով մայր առվակներում՝ թափվել են ջրամբարները: Ջրամբարների մի մասի հատակային մասերում կառուցել են նաև հրակայուն և ջրամերժ շերտեր, որը ևս զգալի չափով կրճատել է ջրի կորուստը: Առանձին ջրամբարների թեքադիր հատվածները շարվել են սրբատաշ քարերով և կրաշաղախով: Այժմ ջրամբարներից երկուսը լցված են, իսկ յոթն ըստ տեղաբաշխվածության և մեր պայմանական համարակալության գտնվում են բերդի հետևյալ հատվածներում:

⁴⁰ Կ. Ղ ա ֆ ա դ ա յ ա ն, Դիտողություններ ուրարտական ամրաշինությունների վերաբերյալ («Պատմա-քաղաքագիտական հանդես», 1972, № 2, էջ 160, աղյուսակ 3, գծ. 6, 7):

№ 1 ջրամբարը գտնվում է իշխանական պալատից 45—50 մ հարավ, Ունի $6 \times 4,2 \times 4$ մ չափեր: № 2 ջրամբարը գտնվում է № 1-ից 30—35 մ դեպի հարավ-արևելք, անմիջապես բարձրագագաթ ժայռի տակ: Ունի $6,3 \times 15,5 \times 4$ մ չափեր: Այն հարավից և արևմուտքից ունի սրբատաշ և կապտերանգ բազալտով, աղյուսով ու կրաշաղախով $1,85$ մ հաստությամբ շարված պատնեշ-պատ: № 3 ջրամբարը գտնվում է իշխանական պալատից 60—70 մ դեպի հյուսիս-արևելք, սրածայր ժայռի տակ: Ունի $6 \times 12 \times 4$ մ չափեր: № 4 ջրամբարը գտնվում է հարավ-արևելյան ճյուղի վրա, այդ ճյուղի ներքնապարսպի մոտքից 35—40 մ դեպի հյուսիս: Ունի $6 \times 10,5 \times 9—10$ մ չափեր: Այն հարավ-արևմտյան անկյունում ունի $1,85$ մ հաստությամբ պատնեշ-պատ: № 5 ջրամբարը գտնվում է № 4-ից 10—15 մ արևմուտք: Այս ջրամբարը շրջանաձև է՝ ունի $3,5$ մ տրամագիծ և 40—45 սմ խորություն: № 6 ջրամբարը գտնվում է լեռան հարավ-արևելյան ճյուղի գագաթնամասից բավականին ներքև, բերդի մոտքից 35—40 մ հարավ: Ունի $4,6 \times 15 \times 5—5,5$ մ չափեր: № 7 ջրամբարը գտնվում է № 6-ից 60—70 մ հարավ-արևմուտք՝ շինությունների մոտ: Ունի $5,6 \times 10 \times 4—4,5$ մ չափեր: Արևմտյան կողմից ունի 2 մ հաստությամբ պատնեշ-պատ: Բերդի բարձունքի, նրա շրջակայքի առանձին ավերակների ուսումնասիրությունը մեզ հանգեցնում է այն եզրակացության, որ Երնջակն ունեցել է նաև քողարկված գետնուղի: Վերջինս, մեր կարծիքով, գտնվել է բերդի հյուսիսային կամ հյուսիս-արևելյան կողմերում:

Երնջակը լինելով անառիկ բերդ-դղյակ, եղել է նաև վարչաքաղաքական կենտրոն, որի շուրջը հիմնվել և վաղ միջնադարից սկսած զարգացում է ապրել գավառի կենտրոն Երնջակ քաղաքը: Վերջինս IX—X դդ. ապրել է հասարակական ու մշակութային բուռն կյանքով: Երնջակ քաղաքը տարածված է եղել անմիջապես բերդի շուրջը՝ նրա հարավային և արևելյան կողմերում, գետափնյա հարթություններում և բլուրների վրա: Այժմ այդ քաղաքի ավերակները խիստ քայքայված են և ծածկված հողի շերտով: Բերդի հյուսիս-արևելյան կողմի ձորակում տարածված Երնջակ քաղաքի որոշ ավերակների արտաքին նշաններն ապացուցում են, որ քաղաքը վերցված է եղել պարսպի մեջ և գրավել է ավելի քան $4—4,5$ ֆառ. կմ տարածություն: 1930-ական թվականներին Երնջակ քաղաքի ավերակներից հայտնաբերված բազմաթիվ և բազմատեսակ խեցեղենի մնացորդների, ջրատար կավե խողովակների և այլևայլ նյութական մշակույթի բեկորները Ի. Շչերիկինին հիմք են տվել Երնջակ քաղաքի հիմնադրումը թվագրել մեր թվականության առաջին դարերում⁴¹:

Բերդի և քաղաքի մոտից հոսող Երնջակ գետից սկիզբ են առնում այժմ էլ գործող երկու հին ջրանցքներ, որոնք կոչվել են «Նահապետի առուններ»: Վերջիններիս հին շրջանի շինարարական տեխնիկան ակնհայտորեն նմանվում է ուրարտական ջրանցքների շինարվեստին: Այդ ջրանցքները, որոնք մի քանի անգամ նորոգվել են, ունեն 30—35 կմ երկարություն և հոսում են մինչև Հին Զուղայի ու Կզնուտ գյուղի մոտակայքը:

Երնջակ բերդից 300—400 մ հյուսիս-արևմուտք՝ դեպի Շահկերտ տանող ճանապարհի ձախ կողմի եռանկյունաձև փոքրիկ բլրակների վրա գտնվում է բերդի գերեզմանատունը, որի 30—40-ի հասնող շրջանաձև բլրակների նման-

⁴¹ И. Щерблякин, *նշվ. աշխ.*, էջ 69.

վող ամեն մի գերեզման ամփոփում է ուղիսի դաշտում ընկած 50—60 բերդապաշտպանների մարմինները, որոնց հիշատակը հավերժացնող դամբարանարևոտների վրա դրված է մեկական ապանաքար (նաև խոյաձև)։ Վերջիններիս մի քանիսի վրա նշմարվում են քայքայված վիճադրեր, որոնց մշակման և արձանագրման եղանակը մատնանշում է XI—XV դդ.։ Այս դամբարանադաշտի մի քանի ուղղանկյուն շինությունների փլատակների առկայությունից կարելի է եզրակացնել, որ ալդտեղ եղել են նաև իջխանական տոհմական դամբարաններ։ Գերեզմանաանից 300—400 մ դեպի հյուսիս աեսանելի են բերդի զորակայանի շինությունների հետքերը։

Այսպիսով, Երնջակ բերդի, ինչպես նաև նրա շրջակայքի պատմաշինարարական տեղավայրերի հին շրջանի շինարվեստի ու ճարարապետության սկզբունքները ակնհայտորեն ցույց են տալիս, որ Երնջակը որպես բերդ հիմնվել է դեռևս հնագույն ժամանակներում և կարևոր ռազմաստրատեգիական կետ է հանդիսացել։ Վաղ միջնադարում, ինչպես նաև IX—X դդ. այս հիմնավորք բերդը հիմնավոր կերպով վերանորոգվել է և հարմարեցվել նոր ժամանակների ռազմարվեստի պահանջներին, որի շնորհիվ այն դարձել է Հայաստանի անսոհի բերդերից մեկը։ Իջխանական պալատի, ընկավայրերի և ամրությունների կոմպոզիցիոն հիմունքներով Երնջակ բերդը հար և նման է պատմական Հայաստանի IX—X դդ. ամրոցներին։

КРЕПОСТЬ ЕРНДЖАК

АРГАМ АЙВАЗЯН

Резюме

Крепость Ернджак, которая часто упоминается в древних армянских и иноязычных источниках с начала Х в., до сих пор не подвергалась исследованию ни в историко-археологическом, ни в архитектурном плане. Краткое описание этой крепости—дворца резиденции сюникских князей-ишхалов в области Ернджак исторической Армении (ныне р-н Джульфы Нахичеванской АССР) встречается в ряде географических и историко-этнографических работ середины XIX в.

Архитектурные особенности Ернджака и других древних сооружений в прилегающих к нему историко-археологических районах указывают на то, что крепость эта была возведена еще в древнейшую эпоху и являлась важным военным пунктом. В IX—X вв. армянские ишханы не раз, сообразуясь с военным, политическим и экономическим положением княжества, коренным образом перестраивали ее. Своими композиционными особенностями, расположением княжеского дворца, жилых покоев и оборонительных укреплений Ернджак идентичен армянским крепостным сооружениям IX—X вв.